

GrCF2 W2 E2 - თბილისის ნარჩენების გადამუშავების პროექტი

ქვეყანა:	საქართველო
პროექტის ნომერი:	54125
ბიზნესის სექტორი:	მუნიციპალური და გარემოსდაცვითი ინფრასტრუქტურა
შეტყობინების ტიპი:	სახელმწიფო
გარემოს დაცვის კატეგორია:	B
დამტკიცების თარიღი:	
სტატუსი:	კვლევის ეტაპზე
პროექტის მოკლე ანოტაციის გამოქვეყნების თარიღი:	30 ივნისი 2023

პროექტის აღწერა

პროექტის მიზანია რეაგირების მოხდენა ქალაქ თბილისის პრიორიტეტულ საჭიროებებზე, რომლებიც განსაზღვრულია მწვანე ქალაქის სამოქმედო გეგმით. სესხი მოხმარდება თბილისისათვის პირველი ნარჩენების გადამამუშავებელი ნაგებობის მოწყობას, რისი მეშვეობითაც მოხდება სანიტარულ ნაგავსაყრელზე გაგზავნილი ნარჩენების შემცირება.

პროექტის მიზნები

პროექტის მიზანია გაუმჯობესდეს მყარი ნარჩენების მართვის დონე და ზოგადი გარემო თბილისში. გარდა ამისა, პროექტი უზრუნველყოფს ნაგავსაყრელის მუშაობას ევროკავშირის გარემოს დაცვის სტანდარტებთან შესაბამისობით.

გარდამავალი ეტაპის / გარდაქმნის ეფექტის ზემოქმედება

ETI 70

მწვანე: პროექტი გამოიწვევს მყარი ნარჩენების მართვის გაუმჯობესებას და შეამცირებს ნარჩენების შეგროვების უარყოფით ზემოქმედებას გარემოზე.

კონკურენტუნარიანი: მოსალოდნელია, რომ პროექტი ხელს შეუწყობს კომპანიის სტრატეგიულ დაგეგმვაში ცვლილების შეტანას გადამუშავებადი მასალების ბიზნეს სეგმენტის კომერციალიზაციისკენ.

ინფორმაცია კლიენტის შესახებ

საქართველო, სახელმწიფო

მსესხებელი: საქართველო, წარმოდგენილი ფინანსთა სამინისტროს მიერ;

ბენეფიციარები: ქალაქი თბილისი და შპს „თბილსერვის ჯგუფი“

EBRD-ის დაფინანსება

22,000,000.00 ევრო.

პროექტის მთლიანი ღირებულება

27,000,000.00 ევრო.

ასევე, მოსალოდნელია რომ გამოიყოფა შეღავათიანი დაფინანსება საინვესტიციო გრანტების და/ან შეღავათიანი სესხების სახით, 5 მილიონ ევრომდე.

დამატებითი ფაქტორები

EBRD უზრუნველყოფს დაფინანსებას, რომელიც არ არის ხელმისაწვდომი ბაზარზე კომერციული წყაროებიდან, გონივრული პირობებით. გარდა ამისა, EBRD-ის ცოდნა და გამოცდილება სექტორში ხელს შეუწყობს გაუმჯობესებული სტანდარტების გამოყენებას.

გარემოს დაცვისა და სოციალური საკითხები

მინიჭებული აქვს კატეგორია B (ESP 2019) გარემოს დაცვისა და სოციალური პოლიტიკის ფარგლებში და შეფასებულია როგორც დაბალი-საშუალო რისკის მქონე. ჩატარდება გარემოს დაცვისა და სოციალური კვლევა (ESDD), რომელიც გამოავლენს თუ რა ზემოქმედება ექნება ნარჩენების დამუშავებისა და დახარისხების ხაზის შერჩეულ ლოკაციაზე ამოქმედებას ეკოლოგიასა და სოციალურ გარემოზე. ამჟამად მიმდინარეობს ტექნიკურ-ეკონომიკური კვლევა, რომელიც გამოყენებული იქნება ESDD-ის საფუძველად. კვლევაში გათვალისწინებული იქნება რიგი მნიშვნელოვანი საკითხები, როგორიცაა: თანამშრომელთა ჯანდაცვა და უსაფრთხოება, შრომითი პირობები, ნარჩენების მართვა, ნიადაგის დაბინძურება და ა.შ. შემუშავდება გარემოს დაცვისა და სოციალური სამოქმედო გეგმა (ESAP) გამოვლენილი ხარვეზების გამოსასწორებლად. PSD განახლდება ESDD-ის შედეგების საფუძველზე.

ტექნიკური თანამშრომლობა

პროექტის ფარგლებში გათვალისწინებულია შემდეგი ტექნიკური თანამშრომლობის ("TC") დავალები:

- **ფინანსურ-ტექნიკური კვლევა**, დაფინანსდება EBRD-ის აქციონერთა სპეციალური ფონდის მიერ;
- **გარემოს დაცვისა და სოციალური წინასწარი ფინანსურ-ტექნიკური კვლევა**, დაფინანსდება EBRD-ის აქციონერთა სპეციალური ფონდის მიერ;
- **პროექტის განხორციელების მხარდაჭერა**, დაფინანსების წყარო დასაზუსტებელია;
- **დაინტერესებულ მხარეთა მონაწილეობის პროგრამა და ცნობიერების ამაღლება**, დაფინანსდება EBRD-ის აქციონერთა სპეციალური ფონდის მიერ.

კომპანიის საკონტაქტო ინფორმაცია

დავით ბოდოკია

dbodokia@gmail.com

შპს „თბილსერვის ჯგუფი“

67 კახეთის გზატკეცილი, ქ. თბილისი, საქართველო

შუალედური შედეგი

დეტალური ინფორმაციის გაცნობა EBRD-ის შუალედური შედეგების გაზომვასთან დაკავშირებულ მიდგომაზე შესაძლებელია [აქ](#).

ბიზნეს შესაძლებლობები

ბიზნეს შესაძლებლობებისა და შესყიდვების თაობაზე დაუკავშირდით კლიენტ კომპანიას.

EBRD-თან ბიზნეს შესაძლებლობებთან დაკავშირებული ინფორმაციის მისაღებად (რაც არ უკავშირდება შესყიდვებს) დაუკავშირდით:

ტელ: +44 20 7338 7168

ელ. ფოსტა: projectenquiries@ebrd.com

სახელმწიფო სექტორის პროექტებზე ინფორმაციისთვის ეწვიეთ [EBRD Procurement](#).

ტელ.: +44 20 7338 6794

ელ. ფოსტა: procurement@ebrd.com

ზოგადი საკითხები

კონკრეტულ საკითხებთან დაკავშირებით ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის](#) საშუალებით.

გარემოს დაცვისა და სოციალური საკითხების პოლიტიკა (ESP)

[ESP](#)-ითა და შესაბამისი შესრულების მოთხოვნებით (PR-ები) განსაზღვრულია EBRD-ის მიერ „გარემოს დაცვისა და მდგრადი განვითარების“ მიდგომის განხორციელების გზები. ESP და PR-ები მოიცავს კონკრეტულ დებულებებს, რომ კლიენტებმა დაიცვან ეროვნული კანონმდებლობის შესაბამისი მოთხოვნები საჯარო ინფორმაციისა და კონსულტაციების შესახებ, ასევე, შექმნან საჩივრების მექანიზმი დაინტერესებული მხარეების მხრიდან საკითხის წამოჭრის, საჩივრების მიღებისა და მართვის მიზნით, უფრო კონკრეტულად, კლიენტისა და პროექტის გარემოს დაცვისა და სოციალურ საქმიანობასთან დაკავშირებით. პროექტის ეკოლოგიური და სოციალური რისკებისა და ზემოქმედების ბუნებისა და მასშტაბის შესაბამისად, EBRD დამატებით მოითხოვს კლიენტებისაგან, რომ მათ, საჭიროებისამებრ, გააზიარონ ინფორმაცია

პროექტების შედეგად წარმოქმნილი რისკების და ზემოქმედების შესახებ, ან ჩაატარონ არსებითი კონსულტაციები დაინტერესებულ მხარეებთან და განიხილონ და რეაგირება მოახდინონ მიღებულ უკუგებაზე.

დეტალური ინფორმაცია EBRD-ის საქმიანობასთან დაკავშირებით მოცემულია [ESP](#)-ში.

ერთიანი მიდგომა და სტანდარტების დაცვა

EBRD-ის მთავარი შესაბამისობის ოფიცრის ოფისი (OCCO) ხელს უწყობს კარგ მმართველობას და უზრუნველყოფს ბანკის საქმიანობის პროცესში უმაღლესი სტანდარტების შესრულებას საუკეთესო საერთაშორისო გამოცდილების გათვალისწინებით. ბანკის ყველა კლიენტის შემთხვევაში ტარდება კომპლექსური ტექნიკური კვლევა იმისათვის, რომ პროექტებმა არ შექმნან პრინციპების დარღვევის, ან რეპუტაციის შელახვის რისკი ბანკისათვის. ბანკი თვლის, რომ პრობლემების იდენტიფიცირება და მოგვარება პროექტის შეფასების ეტაპზე, ყველაზე ეფექტური საშუალებაა საბანკო ტრანზაქციების მთლიანობის უზრუნველსაყოფად. OCCO გადამწყვეტ როლს ასრულებს დამცავი ზომების გატარების პროცესში და ასევე, ხელს უწყობს პროექტებში ინვესტიციების განხორციელების შემდგომი რისკების მონიტორინგს.

OCCO ასევე პასუხისმგებელია თაღლითობის, კორუფციის და არასათანადო ქცევის შემთხვევების გამოძიებაზე EBRD-ის მიერ დაფინანსებულ პროექტებში. ნებისმიერმა ადამიანმა, ბანკის შიგნით თუ მის გარეთ, რომელსაც გაუჩდება ეჭვი თაღლითობასთან ან კორუფციასთან დაკავშირებით, წერილობითი ანგარიში უნდა გაუგზავნოს მთავარ შესაბამისობის ოფიცერს ელექტრონულ მისამართზე compliance@ebrd.com. თითოეულ ასეთ შემთხვევაში, OCCO დაიწყებს მოკვლევას. მოხდება თითოეული ანგარიშის, მათ შორის ანონიმურის, განხილვა. ანგარიში შეიძლება დაიწეროს ბანკის რომელიმე სამუშაო ენაზე, ან იმ ქვეყნის ენაზე, სადაც ბანკი საქმიანობს. ბანკისათვის ინფორმაციის მიწოდება უნდა მოხდეს კეთილსინდისიერად.

ინფორმაციაზე წვდომის პოლიტიკა (AIP)

ინფორმაციაზე წვდომის პოლიტიკის დოკუმენტით, რომელიც ძალაში შევიდა 2020 წლის 1 იანვარს, განსაზღვრულია EBRD-ის მიერ ინფორმაციის გაზიარებისა და დაინტერესებულ მხარეებთან კონსულტაციის წარმოების გზები, ცნობიერების ამაღლებისა და ბანკის სტრატეგიის, პოლიტიკისა და ოპერაციების უკეთ გააზრების ხელშეწყობის მიზნით. EBRD-ის ვებგვერდზე ხელმისაწვდომი ინფორმაციის სანახავად, გთხოვთ, ეწვიოთ [ინფორმაციაზე წვდომის პოლიტიკის გვერდს](#).

კონკრეტული ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის გამოყენებით](#).

პროექტის ანგარიშვალდებულების დამოუკიდებელი მექანიზმი (IPAM)

თუ კლიენტთან, ან ბანკთან, გარემოს დაცვის, სოციალური ან საჯაროობის პრობლემების მოგვარების მცდელობა წარუმატებელია (მაგ., კლიენტის მიერ პროექტის დონის საჩივრების მექანიზმის საშუალებით, ან ბანკის მენეჯმენტთან უშუალო კომუნიკაციის გზით), ინდივიდებსა და ორგანიზაციებს შეუძლიათ

მიმართონ EBRD-ის პროექტის ანგარიშვალდებულების დამოუკიდებელ მექანიზმს (IPAM).

IPAM დამოუკიდებელად განიხილავს პროექტის ირგვლივ წამოჭრილ იმ საკითხებს, რომლებმაც გამოიწვიეს, ან შესაძლოა, გამოიწვიონ ზიანი. მექანიზმის მიზანია - პროექტის დაინტერესებულ მხარეებს შორის დიალოგის ხელშეწყობა გარემოს დაცვის, სოციალური და საჯაროობის საკითხების გადასაჭრელად; ასევე, იმის დადგენა, არის თუ არა ბანკი შესაბამისობაში [გარემოს დაცვით და სოციალური პოლიტიკისა](#) და [ინფორმაციის ხელმისაწვდომობის პოლიტიკის](#) კონკრეტულ პროექტთან დაკავშირებულ დებულებებთან; და სადაც ეს რელევანტურია, აღნიშნულ პოლიტიკის დოკუმენტებთან ნებისმიერი შეუსაბამობის აღმოფხვრა და ბანკის მიერ მომავალი შეუსაბამობის თავიდან აცილება.

გთხოვთ, ეწვიოთ [პროექტის ანგარიშვალდებულების დამოუკიდებელი მექანიზმის ვებგვერდს](#), IPAM-ისა და მის მანდატის შესახებ მეტი ინფორმაციის მისაღებად, ასევე, იმის დასადგენად, თუ როგორ უნდა [წარადგინოთ მოთხოვნა](#) განსახილველად; ან დაუკავშირდით IPAM-ს ელ.ფოსტით ipam@ebrd.com, რომ მიიღოთ ინსტრუქცია და ინფორმაცია IPAM-ისა და მოთხოვნის გაგზავნის შესახებ.